



Na osnovu člana 22 Statuta Brčko distrikta Bosne i Hercegovine – prethodni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine, na 37. redovnoj sjednici održanoj 9. jula 2014. godine, usvaja

**ZAKON**  
**O IZMJENAMA I DOPUNAMA ZAKONA O REVIZIJI JAVNE UPRAVE I**  
**INSTITUCIJA U BRČKO DISTRIKTU BOSNE I HERCEGOVINE**

**Član 1**

U Zakonu o reviziji javne uprave i institucija u Brčko distriktu Bosne i Hercegovine (Službeni glasnik Brčko distrikta BiH, broj 40/08), član 26 stav 2 mijenja se i glasi:

„(2) Skupština imenuje komisiju za izbor od pet članova iz reda zastupnika.“

**Član 2**

Iz člana 26 dodaje se novi član 26a, koji glasi:

„ Član 26a

(Radno-pravni status imenovanih lica na pozicijama koje su obavljali prije imenovanja)

(1) Lica koja su imenovana za glavnog revizora ili zamjenika glavnog revizora a prije imenovanja su bila zaposlena u organima uprave i institucijama Brčko distrikta BiH imaju pravo na neposredno odsustvo na tim pozicijama za vrijeme trajanja mandata.

(2) Rukovodilac organa uprave ili institucije donosi rješenje o neposrednom odsustvu s posla iz stava 1 ovog člana kao i povratku na posao po prestanku mandata.

(3) Za vrijeme neposrednog odsustva s posla licima iz stava 1 ovog člana prava iz radnog odnosa miruju.

(4) Ukoliko smjena ili prestanak mandata nastupaju kao posljedica potvrđene optužnice ili odluke o sukobu interesa licima iz stava 1 radni odnos u organima uprave i institucijama prestaje.

(5) Lice iz stava 1 ovog člana može podnijeti zahtjev za vraćanje na isto ili slično radno mjesto u roku od 30 dana od dana prestanka mandata.

(6) Rukovodilac organa uprave i institucije je dužan da donese rješenje o vraćanju na posao, u roku od 15 dana od dana podnošenja zahtjeva iz stava 5 ovog člana.

(7) Lice iz stava 1 ovog člana je dužno da se vrati na posao u roku od 8 dana od dana konačnosti rješenja iz stava 6 ovog člana.

(8) Odredbe ovog člana odnose se i na lica koja u momentu stupanja na snagu ovog zakona obavljaju funkcije glavnog revizora i zamjenika glavnog revizora a prije mandata su bila zaposlena u organima uprave i institucijama Brčko distrikta BiH.

### **Član 3**

Ovaj zakon stupa na snagu osmog (8.) dana od dana objavljivanja u Službenom glasniku Brčko distrikta BiH.

Broj: 01-02- 321/14

Brčko, 9. 7. 2014. godine

**PREDSJEDNIK  
SKUPŠTINE BRČKO DISTRIKTA BiH**

**or a Koji**